

重修石鼓書院志補遺序

明賜進士出身中順大夫湖廣衡州府知府遷安裕居李安仁撰

予自業舉子時聞古湘東郡有石鼓書院云及由大理出知衡州殊愜夙抱政暇輒與二三僚友出王登眺得遍觀石鼓之勝慨惟前為

石鼓志補遺序

一

孔子燕居後為先賢俎豆地中有講堂兩傍有號舍歲月既久不無圯頽予乃命官葺治數閱月而工訖郡丞樂清雲橋張君存鉅別駕建德肖泉柯君鐸華亭萃洪顧君世家節推永平紫峯唐君守同展

禮畢予相告曰石鼓不鳴久矣後

漢得諸葛亮大忠一鳴之晉宋之時得劉翼王應之遺愛一鳴之唐得昌黎韓愈文章一鳴之宋得徽國朱仲晦華陽張敬夫文肅黃直卿道學一鳴之其地遂靈書院之

石鼓志補遺序

二

名雲煜於天下載考流寓程允夫諸賢之有聲於石鼓也自三賢祠始名宦齊映諸守之有聲於石鼓也自二守祠始濂溪周公敦順古今稱為絕學其有聲於石鼓當不下於唐宋諸儒而獨不得與鄉先

正李寬李士貞同一安侑予謂升
歷代曠祀河南伯周茂叔當自今
日始既成禮復託鄉大夫心雪王
君大韶刪繁舉要偉然備一郡成
書諸生藏焉修焉游焉息焉試取
通書太極圖一諦觀之則吾儒之

石鼓志補遺序

三十四號

學問盡在是矣韓之原道黃之經
解張之希賢錄朱之白鹿洞規先
後其一轍乎在院諸生惟我與爾
其共懋哉

石鼓書院志序

予家食時讀朱子全書知有所謂石
鼓書院者有年於茲歲壬辰服闋承
乏於衡政事閑暇一日同別駕東涯
汪君往焉見其蠹朽傾欹將帖於地
予因謂東涯曰斯院者蓋以昭前修
而啓來學非遊亭眺榭之可埒也葺

周

石鼓志序

一九

之良不可後於是鳩工市木乃易厯
朽乃正厯欹藻繪丹牖煥然一新因
索院志考其顛末僅得殘本斷爛將
不可讀予閱其中紀載繁蕪淆亂無
次覽者病焉病斯湮息無傳矣因屬
東涯編次而將翻刻之閱月告成謂
予宜序諸首予考諸郡志書院之建

創之者李寬後踵而述之者李士真也夫二子者謂一鄉之善士非耶雖然其闢初之初不遇為習靜讀書之所養性淑後之謀耳固未必其聞於世如今日也自昌黎韓子表章之而名昉著宋張朱二夫子講道論學經遊於斯而張子手書昌黎之句鏤之石以樹于亭朱子高弟黃勉齋又振作置田畝焉自是書院遂盛傳於時垂光於後歷千載如一日也夫以孤石斷嶼之微刺山殘水之處一遭賢人品題遊寓而名峻起草木生輝山川改色何哉蓋韓子激薄振衰而文章為一代之宗朱張二子道德之美

石鼓志序

十
三
頁

漸被百世石鼓籍是為重與三大書院並稱不其然乎夫以今自規制完備視昔有加諸生羣業其中颯颯乎有庠序之微予竊有告焉文章如昌黎則足以鎮群哇而壓輩囂矣道德如朱張則足以繼濂洛而泝洙泗矣夫是二者皆逸乎不可尚也然究而論之天之生人一而已矣况文章為道德之寓而道德實吾性中之所固有非彌高極遠而不可致者也諸生日處斯院誠能以昌黎為軌範去浮靡敦本實而不失六經之本色仰朱張而師法之誠敬入門踐履實地而求闢東魯之門墻則十室之邑尚有

石鼓志序

十一
三
頁

忠信百世之下安知不有振昌黎之
絕響繼朱張之遺光出於其間而重
為斯院之焜耀者哉此予今日修葺
刻志拳拳屬望之心也諸生幸勉之
予將問業考德焉

嘉靖癸巳孟冬月之吉

賜進士出身中順大夫知衡州府事富順

周

石鼓志序

十二 五百

周詔書

石鼓書院志序

石鼓有志不知創自何年至嘉靖壬
辰始一修之而其志行亦不知壞自
何年至萬曆己卯始重修之而其志
復嗟乎志之興廢道之顯晦時之隆
污為之也志豈可以易言哉蓋嘗諦
觀舊志詳於宦蹟而於人物則或有

熊

石鼓志序

十三

所畧殫於詩文而於理學則漫無所
紀吾於臺山東涯二公有餘慨焉今
憲臺毅所先生黃公兵巡湖南奉

勅兼督學校登石鼓謁燕居堂拜三賢

祠下慨焉興思憫書院志缺爰命

庠校官托鄉大夫王君心雪校讐編

輯越三閱月告成受閱一過較之舊

熊

石鼓志序

西

二百〇六

志大有不侔焉者矣舊志有寓賢傳篇而寓賢之教言則述自今日舊志有名宦等篇而名宦之教言則述自今日舊志有詩詩之以花藥鴈峰雜入者則刪之舊志有記記學田記雜革記注措記查覈等文則謹書而錄之宏綱大要具在目中而君子軀行實踐之訓獨諄切焉詎曰志焉已哉雖聖賢之學當必由之以擴充而百世之下聞風而興起焉者未必不自今日之志始也鄉先哲李寬李士真讀書山中姑勿暇論即昌黎之氣節朱張之學問黃勉齋之造士作人固云照耀今古然弗得君子之表著

熊

石鼓志序

十五

二百〇七

於前則鄉之後生將何所觀法雖日游憇於斯何益哉矧所述教言又皆近世名儒精蘊所發要非空談而無補者儼惕人心俾知趨向此志之修其功大矣雖歸之道之顯時之隆詎曰不可哉不佞景仰下風樂觀其成敢綴數語以告衡之多士云

萬曆己卯孟冬望日

賜進士出身中順大夫知衡州府事建昌

熊煒書

石鼓書院志引

嘉靖壬辰西蜀臺山周先生服闋起
拜衡州太守視篆未浹暮民安盜弭
物和政熙一日語諸生曰若知石鼓
之名世何書院也書院之名世何志
也志何史之支也志不作又將何以
櫟括為一代之史乎乃以舊本屬予

注
石鼓志引

十六百五折

校正而將翻刻之予為釐清訂舛
蕪補遺又每彙項下提掇數語以表
厥由庶幾成編將入梓或者曰書院
非古制也蓋自三代以還學校廢道
術裂於是經生哲士往往擇勝地立
精舍集合同志相與講學衛道而書
院始興焉若睢陽白鹿及石鼓尤著

驗天理之幾自覺萌動取舍始定於
內由是充之盡其量行之驗其可經
世淑民達之全其用斯為學之道畢
矣諸葛武侯曰大學須靜也非靜無
以成學晦菴嘗謂欲別求燕閒清曠
之所以共講其爾聞雖若顏子亞聖
其發夫子教旨亦在于退處之地即

石鼓志引

十八百五折

是觀之則夫書院於學者體道觀心
之助大矣而非羽翼學校所不及歟
他日備職方氏之纂錄以成一代之
全史者亦未必無藉於斯也志豈無
因而妄作哉苟徒糟粕夫經典騰理
夫口耳咕咕功利罔知潛心聖賢之
實學則斯院也信如風亭月榭而徒

導遊啓荒三志為癸癸覆瓿耳或者
唯唯遂書其言以示刻志之由

嘉靖癸巳秋八月望日新安東涯汪玩
書于府署之秋水亭

石鼓志引

下

石鼓書院志引

石鼓書院志引

重修石鼓書院志題辭

歲己卯予奉

督學毅所黃公修葺石鼓書院志刷

久板模一日

郡祖裕居李公謂予曰院志繫一郡

大觀不惟鏤漉即文字題詠人物

石鼓志題辭

三

無關書院者宜刪公留心文藝再

成此美勿讓即日奉

德意去繁補要庶乎不甚紕謬若志

顛末則予前日之序詳矣時己丑

十月哉生魄野史王大韶書

石鼓書院志

賜進士出身中順大夫衡州府知府遷安裕居李安仁重修

刺 史 大 夫 邑 人 王 大 韶 重 校

石鼓志首

廿

石鼓書院志首

石鼓書院志上部

目錄

凡例

書院形勝圖

上部

地理志

沿革

形勝

基址

石鼓山

湘水

蒸水

朱陵洞

石鼓潭

東岩

上

石鼓志目錄

廿

西谿

宸樞

釣臺

棧道

合江亭

流杯池

室宇

先師燕居堂

講堂

敬義堂

主靜齋

定性齋

號房

諸葛武侯祠

廣益堂

陳公祠

三賢祠

朱陵道院

二守祠

白石講院

合江亭

仰高樓

風雪亭

東小房

西小房

大碑亭		小碑亭	
人物志			
鄉賢		李士真	
李寬		張南軒	
出賢		黃勉齋	
韓昌黎		朱晦菴	
吳興弼		程允天	
石鼓志目錄			
湛耳泉		周訥溪	
陶省菴		羅近溪	
王敬所		王敬所	
名宦			
唐		王敬所	
齊映		王敬所	
鄒君		王敬所	
宋			
劉沅		朱若水	
林渠		管鑑	
潘時		王敬所	
蘇翺		王敬所	
王敬所		王敬所	

薛伯宣	余琰	陳珣
周棟	趙	
鄧大佐	王復	康莊
陳敬直	張珣	張珪
姚子徵	伯頌九成	甄允中
郭宋道	沙班	
史中	沈慶	翁世資
國朝		
石鼓志目錄		
何珣	余敬	李睦
郭良	劉誠	柯漢
陳鳳梧	劉璣	邵遵道
喬瑛	都頭麒	汪濤
陳卿	周詔	孫繼魯
桂榮		潘九齡

石鼓書院志凡例

一地理人物註疏俱於文集實紀中撮其大要以便觀覽
舊志有止錄姓名而無行實者其人品優劣之實漫不
可考今亦存之而不敢去以俟后之博雅君子或有考
索而為之補入云

一垂訓立教吾儒師範不可一日缺焉者石鼓與三大書
院齊名而中間教法正所以惜其言以為入道之本將
疇依乎舊志獨詳黃勉齋程洵二子顛末似乎脫漏多
矣今亦無所攷近成化弘治正德嘉靖以來湖南理學

石鼓志上

二五

彬彬稱盛肆錄所見聞者以示將來俾知高山仰止之
有所在而昌黎南軒晦菴諸先生之澤愈久而愈未艾
也

一序記詩文各以類分而先后甲子不在所拘別揮毫攝
管各據所思無非取其誌焉耳矣雅俗俱勿之論

一黃勉齋舊志列在名宦中今改寓賢志者蓋勉齋流光
百世為後學景仰固在道德而爵位非所加也

一宋衡陽簿程洵新安人也為朱子門人潛心理學其
籍曰道間學朱子懼世一之改為專德性齋其書

望於洵者深矣近石鼓湘江有古詩并地體若干者
志於其人與詩俱遺落未錄今增其姓氏於寓賢志詳
於詞翰志云

一舊志備錄先聖四配歷代封誥及昌黎南軒晦菴三子
之行實然先聖有專廟制誥在焉三子之行實各有世
家行狀傳於世俱非書院可得而專也茲故畧之

一各文移最為切要關係匪輕如不釐正查清則書院之
田役無所據將為豪右所奪漫無所稽矣嘗學穀所黃
公考校之後首先移據本府條答明白若為令甲以垂

部

石鼓志凡例上

二六

永父府來聞風興起續置院田再紀

一康齋先生吳與弼游衡館於西湖紫竹山讀書於譚氏
家塾後復經過留題有詩詩云西湖曾住幾春秋書屋
如今記舊遊禮樂不離方寸內嗒伊長到五更頭天光
雲影幾相沁澗幽山泉暗自流一自宦游南復北却從
圖畫寄綢繆

一澹菴先生胡詮西湖紫竹山駐跡讀書之地後人思之
建有澹菴祠院

一趙忠定公汝愚流風餘韻益溢衡湘千載興思人人景

恭知府蔡汝楠開地立祠

一李節之忠輝映瀟湘雖與日月爭光可也獨人迄今祀之皆有功於名教有關於風化有係於士習人之大節無喻於此

一書院置學田以脩孔子釋菜之禮以給養生徒修儒學以安孔子在天之靈以游息生徒良法美意其完一也肆今諸記何得附書於志末

上

石鼓志上


二七

石鼓書院志卷上

石鼓書院志卷上

石鼓書院形勝圖


石鼓後圖一



上

二八

二



九何後圖二

二九

勝錄生李命世謹識

石鼓書院志上部

地理志

夫地者六陰所凝凡山川巖洞皆地也石鼓山因書院名世志之宜矣其他若蒸湘若巖洞皆地也石鼓山因書院漱可喜可愕可棲可游為詩壇文苑之藪抒揚名賢之士之所駐跡皆不可無志也爰志地理

書院沿革

石鼓山據蒸湘之會奇特秀麗甲於荆南唐刺史齊映建合江亭於其陰元和間士人李寬乃始構屋於山之

部

石鼓志卷之

三十一

顛讀書其中後歲久圯荒至宋至道間郡人李士真後即其遺址而重建之景祐間集賢校理劉沆以書院上請始賜額并學田與睢陽巖麓白鹿並稱為四大書院尋廢賜田亦沒於豪右淳熙間部使者潘燁復賜新之又廣提刑朱若水再為創建時連帥林栗等咸捐金割田以相之晦菴朱子為紀其事開慶己未阮於兵焚州獄使余琰命幕屬拓故鼎新一復舊制時提學黃勉齋出公帑易茶陵沒官田三百五十畝以給學徒元泰定間田為強僧所奪山長程敬直等赴訴僉憲張桂御史

伯顏九成州守張珣等克復舊物元末書院復廢而伯
亦蕪沒迄我

國朝永樂十一年衡守史中謀復舊業中歷憲副沈慶郡守
翁世實先後協贊始克就緒至弘治初衡守河南何珣
銳意修復始落其成正德丙寅關西劉璣來守茲土暇
視書院以學宮雖設而來遊學者無棲身之所書院徒
名寂然無弦誦之聲遂覓石鳩材補鐫增卑而開拓之
一時才俊儲養於此提學僉事廬陵陳鳳梧視學至衡
至加獎勵後鳳梧參政湖藩分守湖南慨以七無仰給

部

石鼓志卷之上

三

乃捐金買田若干畝繼而知府喬瑛御史鄧顯麒僉事
汪濬副使陳卿先後各規置田塘亦若干畝給養諸生
書院形勝

石鼓山去府治一里許右枕蒸水左控湘江奇峰特起
隱然為樹之障蔽朱子云石鼓據蒸湘之會江流環帶
寔為一郡佳處後人又撮其奇特名為八景一曰東峰
曉日二曰西谿夜嶠三曰綠淨薰風四曰穴槽磯雪五
曰書聲嘯呖六曰釣臺漁唱七曰校道梧藤八曰合江
凝碧

書院基址

書院基址聞在石鼓山之陽東西衡衍十餘丈南北從
得百丈有奇上應巽形之次下瞰蒸湘之淵回屬峰拱
峙於前祝融諸峰屏蔽於後環繞四匝勢若郭郭然

石鼓山

山在府治北其形如鼓屹立於蒸湘二水之間水經云
臨蒸有石鼓高六尺湘水所經鳴則有矢竿唐刺史齊
映建亭於山之陽蒸鬱秀麗為一方諸山之最

湘水

石鼓志卷之上

三

湘水在府城東源出廣西興安縣陽海山水經云陽海
山即陽山湘瀆同源南流為瀆北流為湘東出海陽經
全州東北歷零陵灣環曲折東流至石鼓山與蒸水相
合北入於洞庭湖

蒸水

蒸水在府城北出寶慶邵陽縣耶蓋山東來至舊重安
縣南故零陵之鍾武縣水入瀉至臨蒸東注與湘水合
於石鼓山下北入洞庭郡志云西俯臨蒸水氣如蒸故
得名

朱陵洞

在石鼓山後幽邃深黝俗傳與南嶽朱陵前洞相通旁

刻朱陵後洞四字

石鼓潭

在石鼓山東面相水中深不可測俗傳為廬龍推石鼓入水中即此處也

東巖

在石鼓山東北壁立數仞為書院八景之一

西谿

五部

石鼓志卷之十一

三三

在石鼓山之西俯臨蒸水夜月晚眺水天一色刺史字

文煥石刻尚存具八景之一

寒榭

在石鼓山西百步許石盤上六七區如盆碗之形冬雪

積於中旬日不融八景有曰寒榭積雪

釣臺

在石鼓山後合江亭下巨石如盤上可坐數人遊魚出

沒其下可以垂釣古刻釣臺二字

棧道

在石鼓山之東小道崎嶇人每登臨須躡磴板緣方可以進如蜀棧道然

合江

在石鼓山之陰蒸水出其左湘江遠其右至亭前合流而入洞庭故曰合江

流杯池

衡守柯漢乃於合江亭鑿坎以接山泉亭洄其中客至則流觴以飲如蘭亭然

室宇志

七部

石鼓志卷之十二

三四

上棟下宇取諸大壯上古之制宮室有自來矣若石鼓

書院之創構及附近祠宇之建立或為聖賢遺像尸祝

之堂或為昔賢往哲問業講道之所又或為詩人游士

招尋哦咏之處而非尋常室宇可埒也容可以弗志乎

爰志室宇

室宇

先師燕居堂

宋澤熙宋若水始建石鼓之陽以奉

孔子燕居之像後興廢不一入我

朝永樂江西史中天順莆田翁世賢先後來守於衛各戮力
修築成化戊戌河南何珣德培崇其制首建講堂號
參合于楓易祠為大成殿前為櫺星門左右為耳門
以通出入綵以墻墀規式始備歲久圯腐頽倒知府周
詔重加修葺輪奐如初且謂學校大成殿近奉
明詔改稱為廟不得仍襲舊號故易以今名

講堂

亦為何珣所建風雨飄搖幾不可支知府周詔謂
講堂為諸生會文論學之所義不可廢乃微而重建之

上部

石鼓志卷上

三五

規制宏敞視昔有加外綵以土墻周圍若干丈而書院
堂室始有開闢云

敬義堂

在燕居堂之後來西踰房之中嘉靖四十五年知府張
一霖通判周震山禹推官蔣文化創建緣易文言夫子
有敬以直內義以方外之旨晦菴翁大書而勒於學
因聖賢心法之精也因揭敬義以名堂俾藏書其中者
顧名而思其義云

號房

成化戊戌衡州府何珣始建東西各若干楹石諸生入
業其中今猶存

主靜齋

臨東厓

定性齋

臨西谿

俱知府蔡汝楠立

諸葛武侯祠

曹氏篡漢諸葛武侯左右昭烈明討賊之義期以興復
漢室後昭烈牧荊州侯以軍師中郎將駐兵臨蒸以督
零陽桂陽長沙三郡調賦以充軍實州人慕其德建祠
祀之年月漫不可考然即昌黎韓愈及刺史蔣防碑刻

上部

石鼓志卷上

三六

觀之則祠當在唐時已建矣歲久圯荒宋乾道間湖南
路提舉常平萬成象始按圖志搜訪舊跡而重建之南
軒張子為之記在石鼓山之麓祠今存

廣孟堂

在武侯祠之後面燕抱湘山川幽雅郡守臨海金立愛
所創以聚八魯聽講之士後人思金公之遺愛遂即其
堂以祀之至今碑位依然過者起敬

陳公祠

在書院之前武侯祠之右為兵巡道熙齋陳士賢以

建永濟橋之功有防護書院之益是時衡陽縣尹郭文習亦與有專功焉

四賢祠

在書院講堂後舊祀韓昌黎張南軒二夫子後成化十八年知府何洵為加營繕乃進晦菴朱子後萬曆十七年知府李安仁同知張存鉅申文學道乃進周濂溪

朱陵道院

在石鼓山之旁文廢今社學即其遺址也

二守祠

上部

石鼓志卷之七

三七

晉劉翼宋王應之先後來守於樹俱有遺德及民歷久不忘宋淳熙十五年劉清之因民心所懷建祠祀之酒庫趙蕃為之贊嘉定十一年知州事孫德興以祠宇湫隘弗稱乃相武侯祠傍而移建之今廢

白石講院

德清白石蔡公倡道衡湘斯文興起有繼往開來之功諸生朱炳如王大韶輩數十人聚財鳩工創立祠元前為講堂後為尸祝之所郡守金立愛亟助成之節排不崑置有祀田以世紀焉

合江亭

在石鼓山陰蒸湘二水合流於前而北注洞庭貞觀刺史齊映始建後宇文炫復增其制唐韓昌黎自山陽徙江陵與刺史鄒君會於亭上後寄古詩二十韻宋張商軒刻石置於亭中天順間知府翁世資重建知府周紹葺繪而新之嘉靖丁卯推官蔣文化雅志韓張之學見其刻而愛之惧其將湮捐俸命工復刊之用垂不朽復題扁于亭之上曰蒸湘會流以發合江之義云

仰高樓

上部

石鼓志卷之七

三八

在石鼓山之陰宋刑獄使余琰所建後廢成化間知府何珣重建歲久剝落知府周詔重為修葺禾繪焉

風雩亭

在石鼓山之陽宋刑獄使余琰命幕屬趙崇勝所建知府周詔重為修葺藻繪之

石鼓書院志

人物志

籍之書院唐李寬嘗創之於前宋李士真踵之於後俱衡陽人也寔為一鄉之彥若昌黎韓子晦菴朱子南軒張子為天下萬古之所瞻依而非一鄉可專也然遺迹所寄高山仰止在後學自不能已矣其他宦遊於衡有德及民而後意斯院者法皆得書不可忘也彙志人物

人物

鄉賢

上部

石鼓志卷之上

三元

李寬

衡陽人自少業儒修身弗耀唐元和中愛石鼓山拔起蒸湘二水之間明爽秀麗結屋山陽以為讀書之所於時郡守呂溫常往訪之

李士真

衡陽人唐李寬創構書院於石鼓山歲久圯廢宋至道間士真踵遺跡重建之以淑衡之後學自是石鼓書院之名始聞於世

寓賢

韓愈

韓退之唐真元間為監察御史以上疏貶山陽令永貞改江陵法曹自郴至衡與刺史鄭史會於石鼓之合江亭留題古詩二十韻張南軒刻石置于亭中

朱晦菴

字仲晦號晦菴與張南軒同遊南嶽講道倡和間亦寄迹於書院成化年間郡守何珣創三賢祠像而祀之今存

上部

石鼓志卷之上

甲

張南軒

字敬夫號南軒宋魏國公浚之子魏國龍相居永州日往來省侍受學胡五峯

黃勉齋

註見九例

程允夫

註見九例

鄒守益

字謙之號東廓江西安福人由會元歷官國子祭酒登南嶽訪文定公遺址至書院和昌黎韻會諸生講論旬日學有本源聞者誠服復遷岳築二賢